

Aningaasaqarnermut Ataatsimiititaliap suliaq nr. 01.31.06/08-00314 pillugu pingasunngornermi ulloq 9. april 2008-mi aalajangiinera pillugu Naalakkersuisunut ilisimatitsineq.

(Naalakkersuisut siulittaasuata ulloq 4. april 2008-mi aalajangiinerani nr. 96)

Misileraatigalugu katsorsaaneermut aningaasaliissuteqarnissamik qinnuteqaat nutaaq Naalakkersuisut **inassutigaat**,

- Konto pingaarneq 32.10.03-mi, Napparsimasut nunani allani timikkut nappaatinut katsorsarneqartarnerannut tunngasumi, aningaasaliissutit 8.900.000 koruuninik amerlineqassasut.
- Konto pingaarneq 20.11.50-mi, Ingerlatsineranut sillimmatinut tunngasumi, aningaasaliissutit 8.900.000 koruuninik ikilineqassasut.

Aningaasaqarnermut Ataatsimiititaliap oqaaseqaatai

Kalaallit Nunaanni kræftimik napparsimasut misileraatitut katsorsarneqartalermissaasa aallartinneqarnissaanut aningaasaliinissamik qinnuteqaat Aningaasaqarnermut Ataatsimiititaliamit 6. marts 2008-mi itigiartitsissutigineqarpoq (Suliuq 08-313).

Tamatuma kingorna danskit *second-opinionimik* taallugu aaqjissuussinerat aqqutigalugu kræftimik napparsimasunut napparsimasunullu allanut toqjartortunut misileraatitut katsorsaaneissamik neqerooruteqartarnissamik siunnersuut Inatsisartunit akuersissutigineqarpoq.

Tamanna tunngavigalugu aningaasaliissuteqarnissamik qinnuteqaat ataatsimiititaliamit akuersissutigineqarsinnaavoq.

Taamaattorli suliaasaqarfimmi naatsorsuisarnermi tunngavinnik Peqqinnissaqarfiup eqeersimaartumik pitsanngorsaaniarnissaa suli pisariaqartoq ataatsimiititaliap oqaatiginngitsoorumangilaa, taamaaliornikkut suliaasaqarfimmut 2009-mi aningaasanut inatsisissatut siunnersuummi patajaannerusumik aningaasaliisoqarnissaa qulakkeerneqarsinnaaqqullugu. Tamatuma saniatigut ataatsimiititaliap 6. marts 2008-mi aalajangigaani tunngaviunerusumik isummersuutit ataatsimiititaliamit innersuussutigineqassapput. Aningaasaliinissamik siunertamut tassunga 9 mio. kr.-inik immikkoortitsisoqarnissaa ersarilluinnartumik tamakkiisunik tunngavissaqaratik Naalakkersuisut siunnersuutigimmassuk tunngaviusumik isigalugu assorsuaq ernumanartoqartoq Demokraatit Aningaasaqarnermut Ataatsimiititaliami ilaasortaataata, Inatsisartunit ilaasortaq Palle Christiansenip immikkut oqaatigiumavaa. Taamatut qularutiginninneq aningaasaliinissamik siunertap imminermi naammaginaruunngitsutut isigineqarneranut ersersitsisuunngilaq. Akerlianilli aningaasanut inatsisip Inatsisartut ataatsimoortumik tuleriirillutik pingaarnersuinerannik takutitsisuunissaanik missingersuusiornermut inatsimmi tunngavigineqartumut Naalakkersuisut pisariaqartumik ataqqinninatillu paasinninnginnerannut takussutissaavoq. Ataatsimut isiginnissuseqarani innuttaasullu maannakkorpiaq qisuariaataannik malinninnissamik kissaateqarneq aallaavigalugu Landskarsip aningaasaqarneranik Naalakkersuisut pingaarnersuutigut aqutsinerat ersarilluinnartumik aaqqiigallarnepassuarnik imaqarpoq. Innuttaasut qinikkanik paasinartumik qatsussinerannik kinguneqarnera eqqaassanngikkaanni Naalakkersuisut pissusilersornerat nunatta aningaasaqarniarnanik aqutsineranut akornutaavoq aammalu aningaasaqarnikkut imminut napatinnerulernissamik suliniutinut, ungasinnerusooq isigalugu namminersulivinnissamat tunngavissuussaanut aserorsaataavoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua